

四庫全書

集部

欽定四庫全書

御製詩二集卷六十四

古今體八十四首

丙子五

恭奉

皇太后御園觀荷之作

快雨剴逢此快晴盡驅炎暑曉涼生承

歡日愛三庫永

是日初伏

及節花看五沃擎微露延年金掌

勝度風清夏玉階清雲龢笙是雙成按歲歲籌添海屋

盈

日影

望雨過夏半無心問風景
雨足倚閒庭忽見上階影
懸光已含清表晷略減永
斯寧始於斯金杙義堪省

雜花

錦蹊蕤約綻羣英影入窗
紗窠有情夕鏡曉珠光爛
爛秋金晴雪態盈盈春園
夢蝶不相識露砌悲蛩有
宿盟若向玉臺理新詠祇
宜挾藻是飛卿

高克恭林壑高風

樹態峰姿濕潤凝危亭趺坐悟南能軒軒漫道偏孤寂
太古林嵐耐久朋

題張宗蒼雪景

疊嶂玲瓏萬樹皚溪邊應是訪梅迴越童慣解收瓊屑
曾供陶家使令來

上伏何來滿意涼千巖雪色對宗蒼茲人真蹟從茲少
所遇隨題自不妨

西直門外

視朝臨法宮趁曉策青驄豈不日咨政曰此禮所宗石
街路蕩蕩柳陌烟濛濛已喜滿葉露將吹華黍風踰月
未經郊外道瞥眼流光入西顯早黍晚禾率已齊下隰
高田皆覺好自哂吾愁何太早復思正亦不可少

新秋瀛臺雜咏

琪花瑤草露華浮水面風來香滿樓恠底今朝披颯爽
日交秋月節迎秋

名園日涉方成趣我却踰時始一來了識餘閒不多得
猶然位置復何哉

竹蹊詰曲如詩讀湖石玲瓏當畫看
屨步不妨過半里
心舒雨後曉秋寒

花鳥契幽皆悅目林泉遠俗總怡情
設教著處標名字
反覺區區太泥去聲生

嘲劉統勲

劉統勲以協理總督轉運軍儲駐巴里坤逆賊阿

睦爾撒納之叛煽阿巴噶斯哈丹等擾我臺站將
軍永常聞風恇懼自木壘退師巴里坤劉統勲輕
信不察率議棄地退保哈密審爾則何以不數月
間大軍旋收伊犁逆賊亦何至窮蹙遠竄耶朕燭
照其謬慮搖軍心命褫職治罪今舊疆蕩定逆賊
指日就縛念劉統勲一書生也軍旅非所嫻且非
所職設令模稜者處此轉以緘默自全而奮發吐
露尚知急於公事是其識雖乖而心可諒爰畀以

原官并拈此嘲之

集賽伊犁歷一過珠崖請棄竟如何我非勤遠惟觀火
卿誤養奸作止戈究勝寒蟬原所諒堪稱老馬可無訛
犂牛即駱駝也騎進陽關矣只恨難為叩角歌

蘆花

液池蘆葦每先御園作花蓋以種植年久根深蔓
長發生既早衰落亦如之觸目有會因成二篇

蒼蒼掩映白蘋洲怪爾含風劇報秋物理試同人較量

定惟老者早宣頭

颭烟采露吐絲絲
搖曳秋光滿液池
園蒂不須嫌落後
遲生羸得老還遲

悅心殿

納遠虛窗萬景羅
往來清憩此為多
金仙露下清秋氣
玉螭風生太液波
自是山林在廊廟
不妨黼黻入松蘿

是日御殿後即
於此更衣故云
問予底事心知悅
暘雨剏時蔚黍禾

長河舟行雜咏

川路端宜趁曉涼
溯洄偶此泛烟航
誰知伊軋棹聲裏
瞥過長河十里強

水淺舟膠向怨遲
漲增雨後恰相宜
有源尚爾需資藉
嗟爾無源厭取資

蘭橈曲折過前川
鏡裏樓臺宛若懸
樂善園中松好在
龍鱗待撫又經年

露氣波烟滃未消
陸塍水町蔚新苗
一般歡喜非絲竹
勝爾維揚廿四橋

湖心樓

金河流至此而益寬滙為一湖以蓄其勢並為長
壩以脩節宣斯長河左右稻田皆資灌溉矣湖心
樓三間大有嘉禾烟雨之致

坎流允澤兩相資湖控金河合在茲便向中央起樓可
每因稍暇泊舟宜瀟湘畫意看米老烟雨詩情憶禦兒
長壩節宣稻田賴淙濤聲在座間披

金河泛舟至玉泉

舟舍長河泛玉河尋源欲至玉泉阿湖心背指紅樓遠
波面遙瞻翠巘我漠漠水田新雨後輕輕隄籟曉涼多
菱絲甍社分明是那更拘墟較若何

界湖樓

金河高長河玉泉高倍蓰設非次第蓄一瀉無餘矣裂
帛本有湖方塘數畝耳接上擴充之此湖殊渺瀰界隄
築橫樓漪影翻窗紙實得空澄趣詎止烟波美面面闢
溪田萬頃綠含綺隨時祝有年是吾乃所以

題董展三顧草廬圖

遺世高風卧草堂
殷勤三顧篤樓桑
固應感激終身識
二十一年那便忘

賦得洗車雨六韻

高樹晚霞晴
油雲嶺外生
秋霖飛倏忽
七夕度分明
拂漢曾無爽
隨輪似有情
定應命造父
豈為降方平
碧落寧留滓
金根待洗清
不知誰最恨
點滴聽深更

昆明湖荷花詞

深紅淡白盡開齊
水面風來香滿隄
誰道秋湖乏春色
春光恒在六橋西

淨植清標欲拂衣
錦帆風裏度芬菲
漫云鷗鳥無情者
看取眠波不忍飛

十里霞香蕩槳過
花潭葉嶼錦成窠
絕勝越角將吳曲
未許妖姬鬪綺羅

綠蓋珠擎曉露濡
盈盈照水足清臞
近天贏得常吟賞
麴院還能似此無

雲淙室

雲裏流泉活似雲
雲容泉態兩難分
極娛視聽根塵淨
耳可為觀目可聞

泛舟登石舫

月牖居然迴風帆
了不移換舟仍隔
岸登陸復臨涯水
態雲容靜浮深泳
廣宜撓聲去遠寂
離卽一為思

新秋萬壽山

花氣宜過雨
梧風寂引秋
登高渾可望
遇勝亦因留
絕

頂本無暑大田臨有收居庸直北翠佇待捷音郵

花承閣

月匡早種十年樹雲構常承四季花何必餌芝將鍊石
陵塵是處即仙家

題隨安室

花承閣東峪結宇敞而幽忽步階梯降方知上下樓室

聊因舊號

隨安蓋予舊日書室名也

學祇仰前脩今昔勞閒異惟從

二典求

養雲軒

巖室無端倚翠微
朝嵐夕靄蔚霏霏
便應滿貯英英氣
畱待三春作雨飛

題張宗蒼摹郭熙筆意

山勢排空樹染霜
傳神活脫是河陽
高人坐愛松頭月
客子詩成驢背涼
朔氣惟應愁宋玉
南雲今復見宗蒼
如探勝到幽窮處
將謂無多意轉長

內府所藏宗蒼手
蹟搜題殆遍故末

句及
之

移竹用白居易題盧秘書新栽竹二十韻

品稱松梅友標從澗谷槃端惟庠伏種誰覺歲寒難暑
雨纔過漢清風要拂欄相延君子植宣命上林官遠莫
離牆外虛教暎座端拋簪應折玉置笛漫成欒秋矣土

仍潯

時雖秋月而尚在
伏內故可移竹

時哉露已團琳階乍淇渭負嶠

擬珠玕遐想白居易時當夏日殘友人相志契題句忽
心寬籤拂秘書帙蟬籠少傳冠詩情真灑落酒興未闌
珊颯颯葉全放亭亭根互蟠眼空上下古意足兩三竿

而我曾何謂亦為如是觀盡疑展同軾賓欲比金蘭恍
可消清暇猶能引靜歡既深因既邈宜密又宜單聲戛
盈聽寂陰交滿目寒獨思彼作者寧識此迴看

元人倣米氏雲山

七澤山圍碧水三湘雲重蒼天何必重尋姓氏直稱海
岳家傳

立秋日作

立秋宜雨又宜晴農諺何曾有定評今日雨佳晴亦快

對時額手祝西成

晚晴落照

秋雨既應節晚晴真復美
徂雲戀日光絳染拖霄綺
林翻鴉背艷高低雜翠紫
農徵信慰懷觸目皆堪喜
涼魄映素輝蘭舟候湖涘

泛月

驟雨過河源絳雲一以歛
秋蟾向圓際罔罔清光澹
時我當慰志御湖聊遊覽
金波疊綺縠玉蕊霏函菡
舟徐

棹不鳴岸近螢猶點蘇壁興飄飄謝樓寒
晦晦酒醴設弗斟笙歌俗可減惡旨彼宜
欽長夜吾豈敢

倪瓚山水

老筆疎疎了了幽襟落落蕭蕭假相不妨
貌似真宗誰解神超

膳羊

一時思膳羊問之尚膳云爛羊向每供
邇何闕供頻尚膳者答言羊亦有等倫或
自喀爾喀或烏珠穆秦納諸

慶豐牧

慶豐司屬內務府職養外
藩進羊以供尚膳取用

近乃多牂貍以此未

烹進遺忘非庖人我謂此言誕屬內務府臣牧者果致
瘦所司罰宜申苟有博碩者是乃飼養勤其過在尚膳
可聽虛辭文慶豐牽羊來三十維物羣其角咸濺濺無
一羸露筋設倉卒市取市無北塞狔有亦一二耳如許
從何臻乃知尚膳譎却過計可嘖倘教置弗問慶豐屈
何伸一羊事本細而我畏有因賞罰苟蔽近吁將害及
民辨詐取吳亮戒宣愧宋仁

夢遊仙篇

遊仙不藉偓佺松食之三百歲有窮遊仙不藉徐福船
五十男女海外捐真人尺宅居中央素雲為車駟兩凰
傲睨碧落寥茫茫銀臺玉闕參紫皇桑田變更凡幾閱
可惜六鼇骨已雪東廂技癢乍窺牕王母見之乃饒舌
雙成如花貌娛娛三萬六千猶青年

鞠歌行

含章靈芝相連延檀為鞠室錦布筵金缸落帶夜繼日

美人擊鞠乎其間
鴛鴦象板法曲度
漢皇輦過或不顧
夜深散去螢為燈
響屧莎街濕秋露

有所思

我思虞廷應無面
從人重華何事猶
諄諄大智若愚大
詐若忠動云孤立
寧無暗同昔亦登
泰山龍宗壓齊甸
一指橫目前咫尺
不可見觀火實易
觀人實難逆詐詎
可先覺稱賢蒿目
茫茫心為寒

題張宗蒼畫

隔谷相看瀑水寒
漁舟唱晚泊前灘
設如作者為皮陸
定道斯宜卜澗槃

雙烈詩

雙烈詩者例雙忠詩而作也昔駐藏都統傅清左
都御史拉布敦誅叛臣朱爾墨特納木札爾以人
少力微二臣死事然究能鋤元兇而安絕域故臨
奠建祠並有雙忠之詩以揚其勲去歲命定北將
軍班第議政大臣鄂容安駐伊犁時二臣既奏阿睦

爾撒納有反志朕命便宜從事庶幾消患未然乃
二臣觀望疑慮以致兔脫而賊黨反得結連赴約
聾我軍營二臣力不能敵捐軀沙場猶之死王事
也一以勇決建績一以徘徊僨事然而臨難致命
奮不顧身有足哀者今大兵既靖伊犁逆賊窮蹙
逃竄不日獻俘二臣靈輦至京之日朕亦親臨醕
奠並成是作雙烈云者蓋不如雙忠之盡善矣

昔有傅介子手斬樓蘭頭通權建殊績芳名播千秋况

乎統三軍既悉彼逆首一武夫之力何事仍夷猶逡巡
大軍徹偏師五百留彼梟有密約入覲中逗遛八月廿
五日三處共一謀阿睦爾撒納來阿爾台陬將合其部
衆挈妻孥以逃叶是則預有旨其妻孥盡收厥阿巴噶
斯斷我軍書郵克什木巴朗伊犁逞劫偷兩路如期發
猖狂肆叫詼叶蜂屯更蟻雜不可爬與梳叶二臣知不
敵全軍將內投而彼截歸路加以聚虬蟬巴朗謀致辭
權假為我述徐當備馬馳送之返皇州二臣怒唾罵天

朝無此媮効死視如歸背義生肯求奮旅更前進氣髮

衝兜鍪終知事不濟畢命飲屬餒叶問罪重整師豈辭

雪載途

叶阿睦爾撒納叛後向謂事難成者皆以為不出所料伊犁卒不能平朕料叛賊陰險多詐其

得在此其失亦在此伊犁之衆不過一時附和終不能人盡從彼若少延緩則叛賊又將別生變詐反失事機因正永常恒怯退師之罰急趣西路軍帥尅期進勦旋於今春直達伊犁逆賊失據奔竄旋復定伊犁脅從寬厥尤一二助惡者

謂阿巴噶斯克什木之流繫虜皆虔劉

渠魁竄異域王師奮遐搜亦聞哈薩克縛獻深同讎命求二臣骨靈輿返首邱臨奠例雙忠惜哉淚湧流初若

聽我言寧有今日不忠於國有濟烈惟已不渝叶究匪
貪生比使我悲心悠朱門歌舞輩青史文章儔我豈為
彼哉長歌旌乃休

舒布圖鎧巴圖魯奇徹布歌

千人萬人敵昔有亦惟能將資衆力一人奮勇敢二千

昔未前聞今始出其人曰惟奇徹布向為侍衛脩宿直

叶去歲從軍監包沁包沁之人乃通賊

厄魯特呼礮為包包沁其司礮

人也上年正月其宰桑阿克諸爾率衆二千餘人來附
逆賊阿睦爾撒納之亂包沁煽動闌出卡倫為官軍所

殲

來圍其帳欲肆害奇徹布曾無懼色徐腰橐鞬手弓
箭出帳跨馬聲霹靂蟻聚叫謹羣近前應弦馥倒賊辟
易辟易復前恃其衆長槍火銃競相逼奇徹布且戰且
走得一柳林為障翼賊人圍之凡數重恐自傷無施銃
隙持槍人亦弗敢進進被箭死屍橫牀二十人各二十
心一人氣奪二十魄侵尋天暮衆西奔奇徹布歸奏殊
績賜金賜爵酬勤勞復請從師宵宴息舒布圖鎧巴圖
魯神勇之名汝應得荆軻孟賁匹夫豪日月燭火光應

熄我歌嘉爾豈徒然勗我八旗永為式

三巴圖魯歌

巴圖魯者勇冠軍昔我旗人頗恒有近世以來殊不聞
蓋因太平日已久歲寒松栢見後凋當春何以殊榆柳
邇者西鄙屬用軍折衝咸欲効奔走舒布圖鎧已超羣
三巴圖魯亦赳赳其一額納伸去歲伊犁從將軍將軍
使彼詢事因單騎逕入衆賊羣左支右屈箭斃數人知
事不濟拔刀自刎期報君其一巴寧阿

讀作
麻韻

倉卒亂時

將軍前後護衛相蔽遮發無不中中無不死殺人如麻
將軍遣之出巴寧阿曰朝廷命官偷生安往耶力敵視
將軍盡節然後伏劍義烈真堪嘉二人既死還復甦宰
桑巴礫得之壯其志養之數月我師再入方得歸軍牙
其一曰富錫爾將軍命之攜印以出歸帝里其奈賊人
擁蜂更屯蟻料不能出將印沉之水力戰受創命垂盡
伊犁喇嘛救之得不死故賜額納伸曰卓禮克圖巴圖
魯卓禮克圖者節義卓爾永不渝賜巴寧阿曰昆都爾

巴圖魯昆都爾者力敵萬人暇有餘賜富錫爾曰哈布
台巴圖魯哈布台者穿楊貫石技不殊迴思去歲迅功
成亡矢遺鏃夫何曾不期小醜逆志萌未能除蔓我二
卿乃致沙場雙捐生亦我坐謀遙未精嘉我旗人多忠
誠舊風未遠垂儀型愉以為戚畹定評乃至西海揚芳
聲

哀伊犁

我哀伊犁之人久述遭去歲底定將謂自此永息肩而

胡么麼密計復煽亂伊犁之人亦相附和為叛奸後旋
知悔過欲擒賊渠贖罪誠可憐乃以衆志不齊相觀望
逆賊鋌而走險攻中堅十餘鄂拓逡巡各退遯反致劫
擄父不保子夫不保妻遭流連加以爭相奪攘為矯虔
強者食弱壯者食幼互暴殘馬牛羊食以盡野無黃獨
室無私疾疫出痘亡者白沙捐伊犁河流為之赤竟有
血人於牙以糞旦夕延王師重入匍匐歸者軍門環伊
犁之人汝莫歎孰令汝二三其志自作孽患焚焚泯泯

忘大義民無二日汝獨有二天於古有云既來之則安
之余亦焉能屏棄旃為之禁盜劫為之勗耕田逆賊既
除自今以後汝得高枕眠休養生息延數年或得元氣
復以全如此而已寧湏竭內地力萬里惠窮邊

伊犁喇嘛行

蒙古之教宿尚黃宗喀巴以來三百餘年其流長昔顧
實汗以此雄據衛藏攝羣部然亦不過假名敬佛要乃
所以收衆方強吞弱噬互攘竊無不垂涎達賴喇嘛貌

為恭謹其實心弗良策妄阿喇布坦創據伊犁有弗遑

然已計入西藏肆披猖逮噶爾丹策凌遂興黃教名曰

安衆生

叶

亦效西域建都綱

都綱者西藏衆喇嘛聚而誦經之室也

白羶

為室布為牆後遂範金作瓦覆棟梁金仙相好備嚴莊

六時梵唄聲無央塔本集賽供饌糧

噶爾丹策凌於伊犁河濱創構佛寺

北曰固爾札南曰海努克聚集喇嘛令其五鄂拓克輪值供養之蒙古語謂五為塔本輪值為集賽

西勒

圖者凡四牀

喇嘛坐牀者謂西勒圖亦蒙古語

膜拜台吉諸宰桑其善

在此其弊即為殃喇嘛達爾濟及達瓦齊相繼篡立無

不藉諸喇嘛之力以肆強逆賊阿睦爾撒納亦結若輩
為黨以煽亂其窮竄也旋却奪喇嘛馬駝用致遠去颺
喇嘛散去乃同嗎哈沁蒙古謂肉為嗎哈尼魯特中貧
無賴覓肉食自活者為嗎哈沁
安知五戒六度如佛所云皮肉骨髓盡捨以救人飢荒
是誠楞嚴所謂外道貌佛弟子為譸張勿謂佛不慈汝
俾汝遭喪亡側身西望爰作伊犁喇嘛行

固爾札廟火用唐韓愈陸渾山火和皇甫湜韻並
效其體

拓土今踰吐谷渾奚論邏迺將河源何來狂童欲竊吞
再整戎車安輜軒亂之不戢終自燔師壓波羅塔拉原
義所動彼亦履坤諸鄂拓兵無際垠狡計近窺喇嘛垣
盜駝馬逃藉桑門人思見日汝蔽暎名佛弟子心狙獫
如魚背龍竊友鼃雕不搏鴉乃搏鷗以致遊魂遠跳奔
衣黃空忝人中尊固爾札本菴羅園天人供養莊嚴繁
朝螺暮鼓法音喧仲氏吹簫伯氏塤剡竿高標金字旂
胡僧碧眼脫其禪露兩肩肘及兩臀羊鹿牛徒示三轅

天龍軍遲屬橐鞬修羅乾闥挾雙轡掃其穢跡風以帑

火輪轉法羞脹瞽炎官祝融朱雲屯烈飆出穴口如盆

鑠金爛石焦窪罇四大誰解無生言那伽

此云龍也

不為吐

水翻有其成之毀必反賓頭盧瞋目雙暖如彼葉落還

歸根淨業何有於烏孫創興黃教駢肩跟假藉敬佛市

惠恩亦欲貽法其曾元二世滅裂不可援狼貪虎攫難

盡論汝狡避禍來謁閭膝前面陳涕漬痕憐汝賚汝安

汝魂解衣推食奚汝冤野心偕德義何存固應天殛絕

爾飡洛那

即古大宛今
哈薩克也

各方非世婚去歲劫擄遭爾昆

阿睦爾撒納之兄巴特禡策凌及其黨額林沁相繼奔哈薩克以圖棲托其後皆肆搶奪逃竄而歸三窟

未必容爾蹲小大怨汝奚騰騫亦月申酉利復怨銷兵

魚海靖鯨鯢璆琳琅玕貢崑崙四西勒圖何替昏

固爾札廟

內喇嘛分四床謂之西勒圖蓋彼之掌教者云

助逆不當遭劫焚竭和韓韻足

解煩泰山北斗一抑捫

禡木特詩

厄魯禡木特本其舊宰桑領衆扎哈沁

扎哈沁者守邊界之人也所

職守邊疆昔奉其主命侵掠我駝羊

事在雍正八年

西鄙衆軍

士羣知勇異常前歲三策凌

都爾伯特策凌孟克彼中謂之三

策凌嚮化入相望禡木特親追闡進我卡塘弗及乃退出

未敢肆猖狂維時予有命邊臣爾何怙

時駐烏里雅蘇台防邊者為副

都統達青阿即以此事得罪今降為侍衛詳見後

隘界等無人不擒汝罪當邊

臣聞乃懼誘致奏九閭予謂不明討計誘失斟量命釋

禡木特薄責勵戎行阿睦爾撒納彼中久披猖禡木特

與戰屢勝兵威揚撒納大窮蹙始決親來降侵尋彼大

亂我師壓境強禡木特亦歸優眷加冠裳進兵命與議
造膝陳言良撒納今雖順其心乃豺狼不可命彼往往
必為厲殃予云不逆詐遣彼亦何妨使其顯背叛正罪
往斧吭亡何定伊犁亡何逆蹟彰譖賊謀夙定煽亂為
鴟張禡木特力寡勁敵歸途塘禡木特與將軍班第等
同駐伊犁尋以養疴他
適無兵衛比聞變將脫
歸為叛黨哈丹遮獲猶手刃三賊力盡馬亦僵被擒

見撒納不屈氣更昂逆賊責之云衛拉天各方汝何心
嚮內同類而相戕禡木特唾之理義人之綱舊主嗣早

絕

謂噶爾丹策凌

匪我獨愆忘大君惟討逆信義昭煌煌擒我

復捨之既歸恩遇滂於恒尚應報起死可弗償嚮內非
獨我汝先沐寵光一死我弗懼駢誅汝立亡逆賊慙無
言絞縊厥命傷伊犁重底定遊魂走踉蹌脅從以次擒
生致明憲章問以禍木特畢知顛末詳烈士何處無未
可分域鄉錄實隳括辭千載流聲芳

花門行

花門雜種其類繁玉關迤西西海連或居城郭或遊牧

牧滋畜獵城者田其性均能殖貨產劉勇善戰則鮮焉
部落雖殊形貌似皙面綠瞳赤髮鬢大宛即今哈薩克
布魯特近古于闐其他不堪俚指數要視強弱為歸叛
叶準噶爾昔全盛日役使若輩如奴佃令棄故居來伊
犁課其引水種稻私服勞供賦不敢怠詎知隱恨已有
年逆渠去歲竊據際回人助之藉少安台吉宰桑心不
一逡巡各退遭顛患叶而何逆渠復狼忌謂回人衆其
力全不早圖之將受害機事不密回人先遂攻逆渠渠

敗衄回人還向故土遷折屋伐樹示不迈伊犁荒涼吁
可憐地積白骨草木赤腥風吹野遊狐獾一穴搆害貽
萬億降殃會見昭昭懸

蕃劍行

蕃劍一泓波溢塘鉞從文起飛寒芒其來伊犁萬里外
限以大幹天各方語言不通振古異誰歐冶為魚去聲為魚
腸昔策妄阿拉布坦草創絕域誇雄强大小策零敦多
卜皆其羽翼兄弟行大者善計善將將小者勇萬夫莫

當矢石雨下自弗著亦不驚避狀若常禡木特及撒拉
爾自謂弗及言之詳此劍乃彼所佩用不離身持短入
長强者死絕弱者亂曾不歷世羣喪亡梵梵孤媳挈部
落歸命貢此呈天閭暴得暴失何足紀聊紀嚮化武庫
藏聊紀嚮化武庫藏吾猶慮其為龍飛去水中央

蕃甲行

權輿甲冑作軒轅銅頭鐵額人驚看函人慎術精五屬
合甲壽至三百年然惟犀兕察草空

上聲

眠裏眠朕要取

堅後世乃有鎖子甲鐵環金練蛇鱗翻我聞其名未覩

物偃武日久工失傳底定伊犁盡肉袒台吉宰桑來後

先取其重器藏武庫鐵章蕃甲驛致駢

上年平伊犁得鐵車一蓋其台

吉世所傳用詳見記中

當時噶爾丹策凌恃遠抗大數

入聲擾邊其

人狡譎習攻戰頗能憐下人稱賢備器致用懾鄰服哈

薩克無能為患以武得之守詎可逆天內潰宗弗延甘

一昂吉皆入化

昂吉者蒙古語部分也準噶爾所屬或一鄂拓克為一昂吉或合數鄂拓克為

一昂吉凡二十一是皆噶爾丹策凌分內者今均內屬其衆台吉下之鄂拓克則各令其汗王札薩克等掌之

一如四十
九旗之制
四圖什墨為我臣

叶噶爾丹策凌於其諸宰
桑中擇四人為圖什墨圖

什墨者大臣之稱也又其次為六札爾扈齊佐圖什墨
理事者也今仍其舊授四圖什墨為內大臣札爾扈齊
為散秩大臣管理
二十一部分之事組鎧虎皮包弗用或異得四白鹿旋

處暑

代謝憑誰測由來其理常天高雲影淡日遠樹陰長
池
蒹何妨白田禾漸喜黃風從西北至思共捷音颺

熱

數日金風爽將云節已更何來劇炎海轉覺甚朱明早

稻真宜暴晚疏慮過晴無全信艱致可以驗人情
羅扇藏還展絺衣疊復披不妨重一試了識不多時蟬
噪如相競蛩音自覺悲西師歸奏凱或免冷侵肌

詠枕榔文洗

成材出南土製器設東榮樸斲非雕鏤天然稱品評文
如竹連理色似玉含蘋承水宜高密其心一例清

西直門外

石街瀾迤禁城通行慶平明返法宮候值銅禽催玉粒

晴看寶穡颺金風
烟澄綠野趣無盡
露重黃疇望總同
茂對自教心慰悅
可知憂預肝宵中

承光殿作

曾城十二匪崑崙
每凭朱欄興欲軒
白帝素娥留古栢
秋風太液自金源
暇當綈几身聊憩
景入紗疏意與存
重構輿梁利行旅
新看虹影飲波翻

御河橋年久
重脩時成

悅心殿

氣澄景已清
雨霽山愈翠
位置本人工
歲久足幽致
詎

祇春陰佳請看秋光媚瓊島暎峭蒨太液披清泌遠俗
得靜怡味道資深契可以減芻豢孰云非禮義

賦得太液秋風六韻

呈漪如應律拂沼似行空三架水雲榭

水雲榭構洹池
中刻太洹秋風

詩扁于
石屏

千秋閭闔風依然閱今古誰與辨雌雄似妬鏡

光白偏拖縠影紅波潏驚睡鴨岸響送吟蟲佳景春明
紀由來賞莫窮

賦得人字柳

豈必蒲同凋早亦非花與榮
爭借問人稱誰氏依稀彭
澤先生

賓竹室

月下檀欒影風前淅颯聲
籜兮吹汝和去聲夷也聖之清

等度真瀟灑安排豈城平
便應延入幕底鎮傲南榮

秋日瀛臺

碧樹朱樓翠島岫到來人似月中人
千枝共愛霏金粟
九斛誰當輸玉塵
境詣幽惟却藻繡
水澄波處養冲真

笑予未是忘言者鳳味龍香率喜親

舟泛長河雜詠

香飄禾黍露華浮悅目長河耐進舟
欲返御園趁晨爽桂花深處度中秋

隄柳汀蘆澄曉烟鳴橈聲裏度前川
迴看萬壽寺中栢活句放叅忽一年

建閘通舟利漑渠設如一瀉乃無餘
因思績學將治平聲政醞藉為高要在徐

中秋帖子詞七疊前韻

有序

萬寶西成九秋中夕頻年染翰曾裁七字之詩隨
地徵吟舉續四篇之韻憶昨歲仙莊錫宴鍾峰映
萬樹燈燒緬酉秋西苑摘毫太液愛一奩冰澈乃
者紀開丙子序屆白藏金難轉而銅雀鳴珠露瀼
而玉甃滿賞良宵於爽節撫清景於御園湖接昆
明不數汜流光於甍社山連萬壽何勞誇幻術於
廣寒況值法宮行慶之初迴螭頭星擁人當紫塞

大蒐之旋舉豹尾雲高萃勝事於一時具人間之
四美惟是遠懷莫釋詎逸豫之能耽顧茲佳景當
前庶憂勤之共寫疊賡舊什用示新裁

人自匆忙月自閒誰能萬慮一時刪韻翻七疊詩初度
却喜園林接壽山

世界三千放大光桂宵摘藻字應香應潮為憶吳江浦

二鬴能不平聲足管匡

陡懷西北未歸師淨洗長吟杜甫詩瓜餅絃歌渾覺厭

清光獨對照清池

捲幔山河近水樓
嫦娥應道獨宜秋
玉堂事動成佳話
染翰詞臣共舉頭

中秋即景

天龍應是謁蟾宮
竟日霏霏細雨濛
入夜擘雲全體現
中秋佳節萬方同
玉藹含澤黃塍外
金粟飄香碧海東
朗照遐思到西極
凱旋佇待奏膚功

仲秋萬壽山

月夕堂堂過壽山得得來
最宜點湘筆豈必獻瑤杯
桂是餘香矣蓮真淨色哉
明將發清蹕對景一追陪

望蟾閣

宮堯傑構俯昆明金粟銀漪映座清
不負佳名是今度尚看曉魄掛西楹

瑩心堂

秋堂峽上號瑩心
坐聽泠泠不操琴
境為心瑩心為境
主賓妙趣足研尋

綺望軒

高下黃雲一色同
西成今歲幸綏豐
秋郊端勝春郊望
惟是閒花紫間紅

玉河泛舟至玉泉

數里烟波渺一川
源委通便教鳴桂棹
可以達花宮
山色看看近秋光
處處同點汀蘆穗
白照岸蓼花紅
水物宛供賞
溪田又卜豐
底緣心不釋
西北待成功

靜益書屋

三間精舍白雲隈
今歲居然初到來
不是山靈具神解
爭教秋葢一時開

犁雲亭


閱耕亭子青雲表
鋤雨犁烟憫寂勤
每值秋來方稍慰
綠雲即漸作黃雲

近青閣

閣號近青棲碧岑
高秋騁目一登臨
近朱者赤近墨黑
到此偏饒空翠心

弄珠室

琳漪溢蘭塘萬顆呈夜光底事弄不盡鮫人箇裏藏



御製詩二集卷六十四

欽定四庫全書

集部

御製詩二集卷六十五

六

詳校官尚書

臣德保

助教臣常循覆勘

總校官原任中允臣王燕緒

校對官中書臣朱圻

謄錄監生臣潘璣

欽定四庫全書

御製詩二集卷六十五

古今體九十四首

丙子六

秋日奉

皇太后幸口外行圍啟蹕之作

膝下常承愛日歡不暄節復不嚴寒山山海海增

遐算歲歲年年奉

大安

遠近黃雲馬首逢西成定矣慰良農三時望念一時副
始覺東來喜氣濃

夏書曾是戒禽荒秋獮春蒐典更詳肄武寧邊具深意
萬年家法仰

仁皇

懷柔縣

鳴鞭常却輿歷歷度田廬省斂當金皞侵晨戴望舒况
茲臨朔塞每以覲蕃渠兩字標山縣名言實起予

熱

中秋前後夕微雨送輕涼將謂侵尋冷晚田慮或妨切
切不愆懷寧止行旅慶邇日當駐宿過午每宜暘農喜
穎穗實馬免炎暍傷兩全信艱致慰矣心轉惶

要亭行宮對雨三首

午熱蒸為雨晚田潤待秋蕎蔬均得益囊橐早應收遙
嶂青橫滴空羅白豎流誰云值清暇正爾問軍郵

較農今歲好籌遠旁

去聲

秋煩了識無多幸人情未易言

即看一雨爽便為昨朝暄坐對濛濛者因之憶玉門
簷聲細注瀑樹色暝生烟此景非今始相逢偶然由
來挈行笥便與命吟箋入夜雲容散明朝好著鞭

出古北口詠古

夜雨朝晴候襟燕帶塞關遼哉縣萬里壯矣據千山豈
復藩籬固誰知肘腋間鬼工猶覺費民力信其艱此日
滋耕鑿行秋每往還不隨今古變一片嶺雲間

常山峪行宮作

依綠構行館標紅見早楓秋光逢塞外詩意滿窗中

至避暑山莊即事

巖莊松塢行行到水石烟花在在僊月宇真稱離俗地
雲窗雅喜讀書筵試聲秋鹿曾何謂弄影春駒有底緣
嘉讌年來多惠遠翻愁渴望凱音旋

春好軒

年年清蹕傍秋巡那值東風入座新忽笑拘墟寧謂是
階前粲者豈非春

宿雲簷

昨日晴明今日雨
烟絲風片霏林楚
珠簾捲不去溟濛
宿雲妙趣
參爾許妙趣宿雲
匪今夫竭來欣遇
謂向無
世間萬事率如此
不為去聲物轉其誰乎

鑑始齋

地是諸天上
山如太古初
披芸人不識
疏仵以前書

晚荷

野水寒塘幾柄芳
不妖態度出塵香
風前全露凌波體

塞外常看耐冷裝色共巖楓翻夕日節同籬菊傲秋霜
關南開早凋還早信屈憑叅理趣長

雨中觀瀑

湧翠巖邊水閣宜清秋雨共瀑簾垂澄觀契妙恰於此
摘藻成吟又一時點滴難分光上下溟濛一合相然疑
是聲是色是空寂今昔何須每繫思

熱河啟蹕之作

大獮乘秋貴及時朝來清蹕啟雲達一天霽景浮輕爽

幾曲寒流溯遠涯
龍塞風光看迤邐
雞翹儀衛發葳蕤
仙莊漫惜餘吟興
歸轡尋題詎是遲

山店

山店誅茅亦易成
居民火種復刀耕
孳豚處處牢堆石
防虎家家柵樹荆
粗糲聊安衣食計
逍遙且免市鄽征
前驅俞騎休呵譙
政欲窮簷悉隱情

朝嵐

朝嵐夕靄人常言
率擬霞標而已矣
不知斯亦氣流行

如潮汐自滄海起兩山之間必夾川萬澗千溪匯於此
嵐靄定從川下降倒行逆施無其理塞上厥候益分明
曉暮添衣乃所以濛濛淦淦中驂鞭自遠望之謂雲裏

都爾伯特台吉伯什阿噶什來覲封為親王詩以

紀事

來歸就弟兄

前年來歸之策凌策凌
烏巴什皆其同族弟兄

嚮化慕簪纓不作

逆天黨

伯什阿噶什曾於軍營告逆賊阿
睦爾撒納反謀逆賊招之不赴

惟殷捧日誠

用茲嘉乃績便與錫殊榮式戒蜩蟬沸永遵帶礪盟

入崖口

底須連網結周陞獵壤神臯控廣輿自有萬峰作郭郭
天然雙嶂是門閭入來草木皆仙意無礙山河只古初
懷遠習勞

家法凜詎因哨鹿每勤予

暖

出關颯生涼塞上疑已霜崖口昨來入反覺暖異常亘
嶺樹多綠綿谷草未黃侵晨著絮衣卓午換袷裳對時

體溫肅隨地愛景光

雨獵

炎蒸為雨信有哉獵騎已布霽脚來連嶺隔谷罷誰是
便冒霖霖催龍媒時忽飄絲時忽止光怪千峰難狀擬
勁羽雖濕亦能飛駭鹿欲藏還瞥起應弦馥中萬人喜
兀魯咋舌銜其指雨衣宜瓦非所知南北之強異張弛
儒冠著製候和門不識今朝復有此

九月朔日

秋惟季月清塞至興安迴潦盡潭益澄葉落山愈靜松
蒼識勁節楓丹繪餘景肆武既云要勞衆亦應省事鮮
兩全方為是頻耿耿

霜

盧龍真是塞青女每先時不待雲鴻報還惟巖鹿知素
華明蓋羽颯冷拂鞭絲為憶從軍者天涯露宿披

行園即事

秋獮乘時歲一來神臯素節靜無埃迺千二百騎惟羽

布左右中官是材木葉已看吹籟落野花還自冒霜開
揆文奮武難偏廢點筆賡箋每召枚

神心妙達是清秋地迴興安景更適雲影山光含動靜
泉聲葉響驗沉浮目鴻霞表懷因遠耳鹿崖邊興亦留
校量常年得佳話隨園今後有渠搜

兩翼鴻絳隔嶺張黃麾據勢獨堂堂如身使臂臂使指
舉網有目目有網地豈稻杭馳騁得林真錦繡詠歌常
山靈似有相應處子墨虛文免賦揚

九日侍

皇太后宴並賜內外王公諸臣食即席得句

氣霽興安景廓澄南山映

座祝如陵羊頌儘有銚炊土饀飾何須旗翦綾節喜延
齡欽孝養宇恢廣漠惕靈承重陽自古傳佳話龍塞登
高信孰曾

宴土爾扈特使臣

烏孫別種限羅義

土爾扈特亦準噶爾厄魯特也舊為
四衛拉特之一曰綽羅斯曰都爾伯

特曰和碩特曰土爾扈特策妄阿拉布坦時與土爾扈特構釁土爾扈特全部西北去乃名輝特為一衛拉特故今土爾扈特南則限於哈薩克東則限於俄羅斯欲至中國必假道於俄羅斯又名羅義云

道崎嶇歲月賒

戊年自彼部起程今始至

天闕不辭欽獻書雪山何

礙許熬茶

蒙古以詣西藏熬茶為要務故並許之

覆幬誰可殊圓蓋中外

由來本一家彼以誠輸以誠惠無心蜀望更勤遐

山月

依依漸出林岡岡高映岑瑟瑟秋方季寥寥山復深網水上下光叻鹿悠揚音颯景自伊古靜會偶於今徘徊

入我窓武帳延清襟坐見林巒間適者獵騎駸生風興
固豪耐可閒對心

雪

破曉雲濃傳罷獵霑衣將謂雨霏絲須臾亂灑冰花落
塞景離竒幻若斯

翠栢丹楓瓊蕊結側峯橫嶺玉屏開營邱畫與樊川句
問爾何從見此來

既密還疏飄散漫雖寒不濕靜便娟便教收取三清煮

武帳由來有宿緣

丙寅十月定興道中雪
水煮三清茶曾題句

昨歲允南省諸臣之請命於開春南巡尋以偏灾

慮妨賑務而罷今年麥稼豐登諸大吏復申前

請從民望也爰諏春吉恭奉

皇太后再舉時巡詩以述意

春省思酬望幸民因灾還命罷南巡蠲租賑米蘇溝壑
旰食宵衣厯苦辛慶值稔秋歌澤國欲觀元氣復比鄰
為行為止無非事異博

慈顏動喜頻

木蘭迴蹕駐張三營行宮之作

駸駸羽騎木蘭迴別館依然此去來
憲宰聲中楓葉下
醺醺香處菊花開
圃場且喜千村稔
索齋明叅一氣培
輔相對時緊我責無猷從獸宜宜哉

木蘭迴園駐蹕避暑山莊

翠罕逶迤大獮旋仙莊駐賜遠人筵
三秋山景欣逢閏
踰月林光稍異前
菊有黃華迎籟馥
楓多丹葉綴霜鮮

問子餘興曾何是千里雲峰阿那邊

永恬居

精舍築山深雲逕殊窈窕始披蒙絡入忽據槎枒表瀑
細石骨瘦霜澄峯態皎六情不期恬萬慮何能擾逸興
託高妙契良不少

遇閏

遇閏深山秋益深每因趁暖一幽尋松盤嶺腹蒼中翠
葉落波心靜裏沉鹿度巖邊看活畫禽鳴林際聽仙音

養生自是斯間好勤政名軒敢忘欽

萬樹園宴都爾伯特親王伯什阿噶什及土爾扈特使臣吹扎卜即席得句

碧霄晴旭曉光澄穹幕高張翠氍毹禮法不拘從所習
友羣何礙集相仍捧盈常切予心懼奠遠惟欽
祖德憑萬樹清暉懸

聖日未曾可識昔猶曾

澄觀齋

雲軒據水源月牖含巖壁
潦盡鳴峽寒葉落歸根寂
何必懷菁蔥於焉識闔闢
少坐憶

堯年不殊讀周易

暖

通閏秋偏長關外候尚暖
乘時種宿麥翻犁趁閒緩
塞堦既已畢衣食粗云辦
叶問閭象安恬繡衣何必遣
因知為政方居敬而行簡

寒

一夜山風急曉來生峭寒炎涼變何速消息理憑看坐
愛當窓日遊遲隔水巒獨思扈蹕衆寧不怯衣單

嘉樹軒

落葉蕭蕭下廣除甌香研淨一相於雖然秀木嘉陰歛
羸得橫斜窗影疎

一片雲

對岫山房一片雲祥籠寶篆鎮氤氲試聽細籟琅玕戛

何異風篁嶺上聞

名勝志餘杭風篁嶺上有一
片石青潤璵璠舊稱一片雲

含粹齋

水複山環處秋辭冬稚初一牕欣暖日半卷閱經書含
粹無過此名言實起予會心期浴德詎為注蟲魚

罨畫牕

寒林古木翠微間積素依稀皴遠山設問畫家應去聲誰
氏所披彷彿似荆關

古澗泉

古澗泉淙淙滴滴幽壑斟若有若無斷且續盈科不競

淺復深却如南華已槁之木又如五柳不絃之琴古澗
泉惟應印古月以為心

萬樹園賜都爾伯特親王伯什阿噶什及土爾扈
特來使觀燈

鱗集來王有後先堅昆馳使又踪連衢樽錫宴前朝洽
寶炬裝燈午夜妍銀燕火蛾紛樹下驚麋駭鹿避嵯巔
侈觀詎為誇遐屬習爽光明示別權

閏九月九日作

遙村近墅霽烟光立馬崇椒了不涼自是登高宜上塞
不妨把菊閨重陽天臨澄廓目因遠樹謝繁華意轉長
邇以捷音待西北每當歡樂轉徬徨

千尺雪疊去歲韻

坐如聽雨發言泉對似披圖訝雪懸摩詰小幀右軍帖
一時默會景依然

軒牕清似玉壺冰偶暇憑臨詎未應常住此中合誰是
翻饒窓外碧峻嶒

去年吳下已馳神欲攬寒山續舊因却為長官勤賑務

南巡還命罷今春

亥秋題卷有分付寒山聽雪閣臨流搜句待明春之句尋以江省秋歉罷

南巡之命頃乃命於丑春舉行

明牕

山房淺置簷曦牖暖烘幕溫暾晃陽林朔氣避陰壑儒
擬白駒速農喜黃棉著絺儿陳芸編稽古一斟酌衰盾
殊愛畏絜矩知所託

素尚齋即景

蕭蕭落葉下亭臯，入牖峰棱瘦且高。
盡洗鉛華歸素尚，頓捐色相得真陶。
五三了可忝幡蓋，咫尺那須想濮濠。
結習由來未忘却，率因即景一撝毫。

喀喇河屯行宮對雪

閏九月十三日

施慶柔遐歲，事旋灤陽駐。頓忽經年吉，行五十較猶近。
喀喇河屯去避暑山莊，纔三十餘里。
冬令三朝報在前。是月十五日立冬玉積峯

巒迎座秀，花粘林木勝。春妍山容水態，由來慣點綴寒
雲特地鮮。

積素

積素迷離隱翠嶠朔天見曉未云消連村畫景張橫幅
著樹梅花發野橋駝怯石溪銅鐸細人投茅店酒旗招
鳴鞭為卜邊關內可得盈疇被麥苗

暖

一綫巖關變涼暖雪無餘白樹留青盈冲詎是移天紀

起屬由來據地靈

關內常暖於關外或謂一牆之隔氣候頓殊不知長城原據太行之餘而

築山界南北涼暖自殊此理易知耳

僕役衣單宵免歎圃場稼納歲方寧

謂宜慰矣翻恟恟西北捷音亟待聽

逆賊阿睦爾撒納奔竄哈薩克我師采入追捕雖
屢戰勝而賊蹤益遠因念絕域曠時不欲久勞

師旅宣諭撤兵詩以述意

窮寇且莫追天邊命迈師一月既三捷

定西將軍達爾黨阿等殺賊於

雅爾拉罕巴巴大敗遁去又殺賊於伊什爾罕巴巴罕
都拜大敗阿睦爾撒納易服而逃又定邊左副將軍哈
達哈等殺賊於毫哈薩拉克山阿布賚大敗走兩路將
軍旋以屢戰馬疲請暫逗師明春再行進勦而朕先是
已降諭旨命黷武寧爾為伊犁新奠定四部待休滋脫
撤師故從之

兔丹津似會看俘闕時

青海羅卜藏丹津竄入準噶爾者三十餘載上年平定伊犁獲

之獻俘

闕下

御門日作

省方秋蹕旋勅幾明庭莅畋遊曷可極功叙無非事虞
機省厥括絲綸慎所自疇咨實在茲都俞益增愧無過
孰則能動是吁可悻

命鄒一桂圖洋菊成題句

洋菊近年始出各種不一其大有徑周尺者不見

於古故令一桂圖而譜之

本是東籬種誰教冒海西
莳林闕形肖卉譜漏名題聊
亦與其潔寧當漫莫稽
傲霜金碗麗裛露玉盤低
詎謂出藍也由來一鳳兮
小山神晤處招隱調原齊

孟冬時享

太廟禮成有作

太室烝禋舉躬親志倍欽
代因時遞遠敬與慕俱深
鳳管和韶奏犧尊清酒斟
不遲還覺速

優儼儼如臨

馬遠撫琴圖

箕路蘭椒頭竟科瑤琴橫膝待援麼高山流水依然是
未解伊人志在何

咏顯微鏡

玻璃製為鏡視遠已堪奇何來優逮器其名曰顯微能
照小為大物莫遁毫釐遠已莫可隱細又鮮或遺我思
水清喻置而弗用之

冬日淑清院

小陽節氣喜暄妍
深峭通幽曲徑穿
凍水落崖皆玉立
假山閱歲似天然
底須桃李芳爭艷
獨愛松筠秀且娟
又是年來冬景矣
冰床早候柳堤邊

西直門外

鳴鑾鳳城外御苑
欲閒臨納稼千村
景授衣萬戶心蒼
蒼切寒氣靄靄釀
雲陰便冀霑三白
滋培麥壤深

御園即景

旭影溫暾射瓦霜
穉冬景物足徜徉
庭松不改青蔥色
盆菊仍霏清淨香
省歲幸逢秋有穫
翻書恰喜夜方長
閒心略擬湖山寄
無逸闕懷未敢康

玉腕

玉腕來回部輸誠
供闔閭召公懷不
寶韓子戒無當異

致白毛鹿引恬頰
尾魴

回部葉爾奇木哈什哈爾初役屬於準噶爾為所拘繫因我大

軍戡定伊犁始釋之令歸所部其長伯克和卓遣使求內屬此其所貢也
勞徠非力并

天眷奉昭彰

冬日靜宜園

閱歲一遊巡林嵐畢露真偶因萬幾暇暖趁小陽春別
墅宛新畫好山皆故人憑臨偏愜意納稼見高田
雲峰倚天瘦瀑水帶冰淙漏響隔林滴屐聲空谷楚憩
尋背風屋坐愛向陽窓廣厦詩人願矧吾撫萬邦

來青軒

巖齋芸座小延停理趣當前悟色形漫道千林皆墮籜
由來松柏是恒青

靜室

靜蘊動之機動彰靜之理譬如水與波豈能別彼此攀
躋詎非勞宴息因至止隨照乃失宗歸根盡得旨虛室
設有云糟粕而已矣

夕

日短漏疑促山高天易夕蒼茫自遠至亦先見蟾魄一
屈斯一信間不容揀擇隨時愛景光汲古翻書策去歲
與今宵如何曾隔

翠微亭

幾株枯樹一危亭
拳石無多多詭形
記得畫圖曾見處
迂倪每契此中靈

寶諦寺

名山啟初地
法界落中臺

是處肖五臺菩薩頂為之菩薩頂即中臺也

像是

黃金寫經因
白馬來禪枝
冬不謝
意蕊雪如開
去後聞

鐘韻還疑叶斗纔

北臺峰名叶斗故云

香林室

結宇依香土延緣每一尋地因絕塵迴山豈藉林深不
作色空境誰知來去心題詩在巖壁念著付鳴禽

碧雲寺

祇園近北隣

寺在靜宜園之北

山靜得來頻佛自如如相予惟

業業人未妨遊偶暇了足悟清因不藉山僧住今稀能
可倫

試泉悅性山房

天池不凍一泓清汲取還教活火烹瓷碗竹鑪皆恰當

新題舊什各分明石泉豈改琤琮注雲巘常看圖畫橫
小坐便當移蹕去三間多矣笑斯營

原大學士傅龍翰先生輓詩

拖紳避省視

前冬先生抱恙時朕親臨視比於病中恐朕軫念戒家人勿以聞及聞喪往哭尚未

大飲易箒慎初終自昔賜場歎從今融帳空儀型失老宿
啟迪憶童蒙未及詢楹奠於斯恨莫窮

題張宗蒼蒼雲嵐松翠

宗蒼南去人成古松翠雲嵐此乍逢自有不亡者恒在

許他閱世墨華濃

題王獻之送梨帖

送梨未審於何氏凌雪宛看大谷珍因王昔有得羊者

題語欣逢筆諫人

卷尾有柳公權題跋

冬至

南郊述事

問夜惟聞陰或晴慶逢升輦集祥靈燭含玉蕊輝千朵
樂叶瓊葩奏六英氣復始陽欽朔旦膏培宿麥惠農耕

近安遠奠均

天貺顧謚恒殷劼慈誠

王蒙脩竹遠山

亭覆脩篁瑟瑟崖臨流水淙淙記得會稽山下暮春遊
目曾逢

報國寺十韻

彰義街旁寺開堂久自元增脩傳勝國祝嘏為慈尊又
數百年閱那莊嚴相存往來惜頽廢葺構省華繁幢石

難尋址虬松尚護門
毘盧弗見閣祇樹不妨園
頂禮觀音在傳聞
窰變原靜觀因有會了識未忘言成矣寧無壞今兮古漫論五言識顛末聊當去聲扇碑擗

題白雲觀木瓢

琳宮偶過憇天長
真率木瓢小像旁
都道提携來漠北
誰知津逮自襄陽

題慈壽寺塔

堵波就圯為重脩
綽楔林林試目留
建置非瑤卽中壺

勝朝政蹟戒前勅

偶寫雪梅并系以詩

先春寫素梅得雪為清友寒香色一家賓主誰分割口

微弄數珠腰豈折五柳如幻斯已然即真審能否

時方望雪

故云

隆長寺

燕都四百載梵宇數盈千自不無頽廢豈能盡棄捐間
因為葺築亦以近街鄧重見金輪煥成詩紀歲年

藥王廟二首

瀕河梵宇足清涼
閱歲庭前栢子蒼
興廢由來世間相
何關常住大醫王

當年階下有豐碑
持去誰將鎮石為
聞是琢人畱姓氏

長繩百尺拽誠宜

見淶水亭雜識

雪中視朝

報曉雞人報雪霏
翠雲裘御啟彤扉
祥烟低幕金猊鼎
瑞葉紛飄赤羽旂
三白早占后稷穡
千官都點謝莊衣

明庭端拱承

天貺益勵兢兢謹勅幾

丁丑春帖子

早春日最早

朔日冬至方得臘月
望立春為最早也

寅月節逢寅

是歲立
春日戊

寅底藉十行詔無時不體仁

乘氣南邦將布澤柔遐西海願銷兵東皇橐籥被無外
北極車書奉大清

除夕

丙子今朝剩青春半月過誰能不歲惜惟是奉時和仙
木裝新社宮梅發舊科帝京饒樂事萬戶擁笙歌

御製詩二集卷六十五